

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 69. stav (3) Zakona o javnim nabavkama („Službeni glasnik BiH“, broj: 39/14 i 59/22), člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) i tačke 6.4. Tenderske dokumentacije za postupak javne nabavke za pružanje usluga dugoročnog kreditnog zaduženja Zeničko-dobojskog kantona u 2022. godini, broj: 07-11-13718-6/22 od 11.10.2022. godine i broj: 07-11-13718-6-1/22 od 14.10.2022. godine, na prijedlog Ministarstva finansija, Vlada Zeničko-dobojskog kantona, na 182. sjednici, održanoj dana 24.11.2022. godine, d o n o s i

ODLUKU

o otkazivanju postupka javne nabavke usluga za dugoročno kreditno zaduženje Zeničko-dobojskog kantona u 2022. godini

Član 1.

(Otkazivanje postupka javne nabavke usluga)

(1) Vlada Zeničko-dobojskog kantona kao ugovorni organ otkazuje postupak javne nabavke usluga za dugoročno kreditno zaduženje Zeničko-dobojskog kantona u 2022. godini, koji je pokrenut Odlukom Vlade Zeničko-dobojskog kantona o pokretanju postupka javne nabavke usluga za dugoročno kreditno zaduženje Zeničko-dobojskog kantona u 2022. godini („Službene novine Zeničko-dobojskog kantona“, broj: 19/22) i na osnovu koje je na Portalu Agencije za javne nabavke objavljeno Obavještenje o javnoj nabavci broj: 14143-1-2-6-3-7/22 od 11.10.2022. godine.

(2) Postupak javne nabavke iz stava (1) ovog člana se otkazuje iz dokazivih razloga, koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, a zbog dostavljanja od strane Federalnog ministarstva finansija - financija, uz akt broj: 05-12-5-3955/22-2 od 07.11.2022. godine, novih revidiranih projekcija javnih prihoda za 2022. godinu, prema kojima su predviđena značajna povećanja javnih prihoda koji pripadaju Zeničko-dobojskom kantonu, tako da neće biti potrebe za dodatnim likvidnim sredstvima po osnovu kreditnog zaduženja radi izvršenja rashoda i izdataka iz Budžetu Zeničko-dobojskog kantona za 2022. godinu.

Član 2.

(Stavljanje van snage Odluke o pokretanju postupku)

Stavlja se van snage Odluka o pokretanju postupka javne nabavke usluga za dugoročno kreditno zaduženje Zeničko-dobojskog kantona u 2022. godini („Službene novine Zeničko-dobojskog kantona“, broj: 19/22).

Član 3.

(Dostava odluke i obavještenja)

(1) Ugovorni organ će putem Ministarstva finansija Zeničko-dobojskog kantona ovu odluku dostaviti svim potencijalnim ponuđačima koji su putem Portala javnih nabavki preuzeli Tendersku dokumentaciju za ovaj postupak javne nabavke.

(2) Daje se ovlaštenje Ministarstvu finansija Zeničko-dobojskog kantona da u ime ugovornog organa može eventualno podnesene blagovremene, dopuštene i od ovlaštenog lica izjavljene žalbe protiv ove Odluke, proslijediti Uredu za žalbe Bosne i Hercegovine na nadležno postupanje u skladu sa članom 100. stav (5) Zakona o javnim nabavkama.

Član 4

(Stupanje na snagu i objava Odluke)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se putem Stručne službe Vlade objaviti i na internetskoj stranici Vlade Kantona, i to istovremeno s upućivanjem odluke potencijalnim ponuđačima koji su putem Portala javnih nabavki preuzeli Tendersku dokumentaciju za ovaj postupak javne nabavke.

Pouka o pravnom lijeku:

Protiv ove odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove odluke.

Broj: 02- 11-17692 /22
Datum, 24.11.2022. godine
Zenica



PREMIJER

Mirnes Bašić

DOSTAVLJENO:

- 1x Ministarstvo finansija,
- 1x Potencijalnim ponuđačima - bankama,
putem Ministarstva finansija,
- ☒ 1x Stručna služba Vlade - web stranica Zeničko-dobojskog kantona,
- 1x "Službene novine Zeničko-dobojskog kantona",
- 1x a/a.